



**O'ZBEKISTON RESPUBLIKASI XORAZM VILOYATIBOG'OT
TUMANI HOKIMINING
QARORI**

Bog'otshaharchasi, O'zbekistonko'chasi, 18-uy

2020-yil 10 - *dekabr*

*26221*son

Bog'ot shaharchasi

Хоразм вилояти Боғот туманида 2021 йил сув ресурсларидан самарали фойдаланиш ва сув тежовчи технологияларини жорий этиш ҳамда ички хўжалик тармоқларини қишлоқ хўжалиги маҳсулотларини ишлаб чиқарувчиларга бериш чора -тадбирлари тўғрисида

Ўзбекистон Республикаси Президенти Администрациясининг 2020 йил 26 октябрдаги 02-3062-сонли хати билан Ўзбекистон Республикаси Президенти раҳбарлигида 2020 йил 16 сентябрь куни ўтказилган йиғилишнинг 84-сонли баёнида белгиланган топшириқларнинг ижросини таъминлаш, туманда 2021 йилда сув ресурсларидан самарали фойдаланиш ва сув тежовчи технологияларини жорий этиш, ҳамда мавжуд ирригация—мелиорация тармоқларидан фойдаланишни яхшилаш мақсадида,

ҚАРОР ҚИЛАМАН:

1.Қуйидагилар:

2021 йилда сув тежовчи технологиялар жорий қилинадиган майдонларнинг прогноз кўрсаткичлари 1-иловага мувофиқ;

2021 йилда харид қилинадиган лазерли ер текислагичлар ҳамда қишлоқ хўжалигига мўлжалланган ер майдонларини лазерли ер текислигичлар билан текислаш прогноз кўрсаткичлари 2-иловага мувофиқ ;

Тумандаги мавжуд ички ирригация тармоқлари, ички зовур тармоқлари улардаги гидротехник иншоотлари билан биргаликда қишлоқ хўжалиги маҳсулотлари ишлаб чиқарувчилар (кластерлар, кооперациялар, фермер хўжаликлари ва бошқалар) ҳисобига ўтказиш кўрсаткичлари 3-иловага мувофиқ тасдиқлансин.

2. Туман ирригация бўлими (С.Иброхимов), туман кишлок хўжалиги бўлими (Б.Ямгуров), туман фермер, деҳқон хўжаликлари ва томорқа ер эгалари кенгаши (И.Рахимов)лар билан биргаликда:

икки кун муддат ичидатасдиқланган прогноз кўрсаткичларга сув тежовчи технологияларни жорий қилувчи кишлок хўжалиги маҳсулотлари ишлаб чиқарувчиларнинг (кластер, кооперация, фермер хўжаликлари ва бошқалар) манзилли рўйхатларини шакллантириб, уларнинг ижросини ташкил этиш билан боғлиқ чора-тадбирлари билан биргаликда қарорини қабул қилиш;

хар бир кишлок хўжалиги маҳсулотлари ишлаб чиқарувчилар (кластер, кооперация, фермер хўжаликлари ва бошқалар) фаолият кўрсатаётган худуддан оқиб ўтувчи ички ариқ, ички коллектор-зовур тармоқларини тўлиқ хатловдан ўтказибмеъёрий ҳуқукий ҳужжатлар асосида ер эгалари ҳисобига ўтказиш ҳамда уларни техник соз ҳолатда сақланишини таъминлаш;

бир ой муддатда тасдиқланган прогноз кўрсаткичларига асосан кишлок хўжалиги маҳсулотлари ишлаб чиқарувчилар ва қурувчи-пудрат ташкилоти билан шартнома расмийлаштириш ишларини ташкиллаштириш;

тижорат банклари билан биргаликда сув тежовчи технологияларни жорий қилувчи кишлок хўжалиги маҳсулотлари ишлаб чиқарувчиларини зарур кредит маблағлари билан ўз вақтида таъминлаш;

кишлок хўжалиги ишлаб чиқарувчиларга ўз худудидан оқиб ўтувчи ички ирригация ва мелиорация объектларига эгалик қилиш ҳамда уларни техник соз ҳолатда сақланишини таъминлаш;

3. “Туманэлектр тармоқлари” АЖ (Н.Қазакбоев) билан биргаликда сув тежовчи технологияларни жорий қиладиган кишлок хўжалиги маҳсулотлари ишлаб чиқарувчиларга электр энергия ресурсларидан фойдаланиш тизимига уланиш ишларини белгиланган тартибда ташкиллаштирсин.

4. Туман кишлок хўжалиги бошқармаси (Б.Ямгуров), туман ирригация бўлими (С.Иброхимов), туман фермер, деҳқон хўжаликлари ва томорқа ер эгалари кенгаши (И.Рахимов)лар билан биргаликда:

лазер ускунали текислагичларни етказиб берувчи корхона билан тузилган шартномага мувофиқ белгиланган тартибда лазер ускунали текислагичларни тўлиқ харид қилиш;

2021 йилда сув сарфини камайтириш бўйича кишлок хўжалигига лазер ускунали текислагичлар ёрдамида экин майдонларини текислаш ишларини алоҳида назоратга олиш топширилсин.

2021 йил 1 январга қадар кишлок хўжалиги ишлаб чиқарувчиларини сув тежовчи сугориш технологияларини жорий этиш ва ушбу технологиялар натижаларини тарғиб қилиш юзасидан кўргазмали семинарлар ташкил этсинлар.

5.Агросаноат мажмуи устидан назорат қилиш инспекцияситуман бўлими (М.Қурбонов):


2021 йилда сув тежовчи технологиялар жорий қилинадиган майдонлар ва 2021 йилда харид қилинадиган лазерли ер текислагичлар ҳамда кишлок хўжалигига мўлжалланган ер майдонларини лазерли ер текислагичлар билан текислаш прогноз кўрсаткичларининг ижросини таъминланишини ҳамда ички ирригация-мелиорация тармоқлари ва улардаги иншоотларни белгиланган чора-тадбирлар асосида таъмирлаш – тиклаш ишларининг бажарилишини алоҳида назоратга олиш;

амалга оширилган ишлар натижаси бўйича ҳар ойни якуни билан вилоят ҳокимлигига умумлаштирилган ёзма ахборот киритиб бориш топширилсин.

6. Туман ҳокимининг ахборот сиёсати бўйича маслаҳатчиси Ахборот хизмати раҳбари, (М.Абдуллева)га кўкаламзорлаштириш тадбирларининг амалга ошириш жараёнини оммавий ахборот воситаларида кенг ёритиб бориш тавсия этилсин.

7.Ушбу қарорнинг ижросини назорат қилиш туман ҳокимининг кишлок ва сув хўжалиги масалалари бўйича ўринбосари Э.Худайбергенов зиммасига юклатилсин.

Туман ҳокими



О.Холбоев